

Cost Ychwanegol mewn perthynas â Lleoliad Cartref Gofal

Ffeithlen 26

(Tachwedd 2023)

Y peth cyntaf i'w ddweud yw bod codi tâl ariannol yn gymhleth ac felly os oes unrhyw ymholiadau gennych, mae croeso i chi siarad â'r aelod o staff gwaith cymdeithasol sy'n delio â chi, neu ein Tîm Asesu Ariannol, y mae ei fanylion cyswllt ar waelod y ffeithlen hon.

Dim ond os ydych chi neu anwylyd yn ystyried mynd i gartref gofal preifat yn y tymor hwy (mwy nag 8 wythnos) y mae angen i chi ddarllen y ffeithlen hon, h.y. cartref gofal nad yw'n eiddo i'r cyngor, ac mae Cyngor Sir Caerfyrddin yn contractio ar gyfer y lleoliad hwnnw.

Os ydych yn mynd i gartref gofal am lai nag 8 wythnos (e.e. seibiant, gofal tymor byr neu ofal amgen) dim ond un lleoliad cartref gofal addas sydd ar gael mae'n rhaid i'r awdurdod lleol ei gynnig i chi. Gallwch ddewis mynd i gartref sy'n ddrutach na'r un mae'r awdurdod lleol yn ei gynnig ond bydd yn rhaid i chi dalu'r gwahaniaeth mewn cost rhwng y cartref gofal a gynnigir gan Gyngor Sir Caerfyrddin a'r un rydych wedi'i ddewis. Fodd bynnag, os ydych wedi cael eich asesu fel rhywun sydd angen lleoliad cartref gofal ac ar yr adeg derbyn fod disgwyl i'r arhosiad bara mwy nag 8 wythnos (h.y. lleoliad dros dro neu barhaol) yna bydd y canlynol yn berthnasol.

Yr hyn y mae'n rhaid i ni ei wneud

Os yw asesiad gan yr awdurdod lleol yn pennu bod angen lleoliad cartref gofal arnoch chi neu un o'ch anwyliad, mae dyletswydd ar yr awdurdod i wneud y canlynol:

- Cynnig dewis o ddau leoliad gofal cartref addas, sydd ar gael i ddiwallu'r anghenion a aseswyd;
- Trefnu i chi fynd i'r cartref gofal o'ch dewis, hyd yn oed os nad yw hwnnw'n un o'r ddau leoliad cartref gofal addas a nodwyd gan yr awdurdod lleol, ar yr amod bod y cartref gofal yn gallu diwallu eich anghenion a'i fod yn fodlon ymrwymo i gcontract gyda'r awdurdod lleol. Sylwch y gallai cost ychwanegol fod yn ddyledus gennych¹, neu gan drydydd parti os nad yw'r cartref gofal a ddewisir gennych yn un o'r cartrefi a nodwyd gan yr awdurdod lleol.

Os nad ydych yn berchen ar eiddo, neu os nad ydych am ymrwymo i gytundeb taliadau gohiriedig, neu os nad oes unrhyw un arall sy'n fodlon neu sy'n gallu talu'r gost ychwanegol, gallwch ddal i ddewis trefnu lleoliad cartref gofal eich hun, heb gynnwys yr awdurdod lleol.

Beth yw'r gyfradd safonol ar gyfer lleoliadau cartref gofal?

Mae'n bwysig bod yn ymwybodol nad yw pob cartref gofal yn codi'r un gyfradd ar gyfer lleoliad cartref gofal. Bob blwyddyn, mae Cyngor Sir Caerfyrddin yn cwrdd â chynrychiolwyr o'r cartrefi gofal yn Sir Gaerfyrddin i gytuno ar gyfradd safonol ar gyfer lleoliadau cartref gofal a drefnir gan yr awdurdod lleol. Ceir pedair cyfradd safonol gan ddibynnu ar y math o ofal sydd ei angen ar y person. Bydd nifer o gartrefi gofal yn derbyn cyfradd contract safonol y cyngor, ond bydd eraill

am godi mwy. Os nad yw'r cartref gofal yn Sir Gaerfyrddin, bydd Cyngor Sir Caerfyrddin yn talu'r gyfradd contract safonol sy'n berthnasol yn yr ardal honno i'r cartref gofal.

¹Dim ond os oes cytundeb taliadau gohiriedig ar waith. Cysylltwch â'r Tîm Asesu Ariannol i gael rhagor o wybodaeth am daliadau gohiriedig.

Faint fydd yn rhaid i mi ei dalu os byddaf yn mynd i un o'r ddau lleoliad cartref gofal a gynigir gan Gyngor Sir Caerfyrddin?

Os na all Cyngor Sir Caerfyrddin gynnig lleoliad i chi mewn dau gartref gofal ar ei gyfradd safonol, pa bynnag un a ddewisir gennych o'r ddau gartref a gynigir, dim ond y gyfradd safonol berthnasol ar gyfer y math o ofal fydd ei angen arnoch fydd yn cael ei chodi. Fodd bynnag, bydd yr union swm y byddwch yn ei gyfrannu at gost y cartref gofal yn cael ei bennu gan asesiad ariannol. Mae hyn yn golygu na ddylech byth dalu mwy nag y gallwch ei fforddio, felly nid oes rhaid i bawb dalu cost lawn y lleoliad cartref gofal. I sicrhau nad ydych yn talu mwy nag y gallwch ei fforddio, byddwn yn cynnal asesiad ariannol o'ch amgylchiadau.

Beth os wyf am fynd i gartref gofal sy'n ddrutach na'r ddau a gynigir i mi gan Gyngor Sir Caerfyrddin?

Os ydych am fynd i gartref gofal gwahanol i'r ddau yr ydym wedi eu cynnig i chi, gallwch fynd i unrhyw le yng Nghymru, Lloegr, Gogledd Iwerddon neu'r Alban. Fodd bynnag, os yw'r cartref gofal a ddewisir gennych yn codi tâl sy'n fwy na chyfradd safonol yr ardal honno, bydd **cost ychwanegol yn berthnasol. Mae'n bwysig nodi os oes cost ychwanegol y bydd yn rhaid i rywun arall ar wahân i chi dalu am hyn fel arfer. Mae'r swm hwn yn ychwanegol at yr hyn y byddwch yn ei gyfrannu at gost eich lleoliad cartref gofal yn sgil yr asesiad ariannol.**

Sut y mae hyn yn gweithio'n ymarferol?

Os yw Cyngor Sir Caerfyrddin yn contractio ar gyfer eich lleoliad cartref gofal a'i fod yn ddrutach na'r ddau a gynigir ac yn ddrutach na'r gyfradd safonol, bydd Cyngor Sir Caerfyrddin yn contractio gyda'r cartref gofal ar gyfer cost lawn y lleoliad, gan gynnwys swm y gost ychwanegol. **Fodd bynnag, bydd angen i chi nodi rhywun sy'n fodlon ac sy'n gallu talu'r gost ychwanegol y cyfeirir ati uchod.** Mae angen i'r person hwnnw ddeall y bydd yn rhaid iddo dalu'r gost ychwanegol honno dros y cyfnod y byddwch yn byw yn y cartref gofal. O ganlyniad, bydd Cyngor Sir Caerfyrddin am weld tystiolaeth bod y person hwn yn gallu fforddio talu'r gost ychwanegol. Bydd gofyn iddo hefyd lofnodi contract cyfreithiol rwymol gyda'r cyngor sy'n cadarnhau y bydd yn talu'r swm hwn. **Ni ddylai'r cartref gofal byth ofyn i'r person yr ydych yn ei nodi neu unrhyw un o'ch teulu dalu'r gost ychwanegol yn uniongyrchol iddynt.**

Mae hefyd yn bwysig nodi bod cartrefi gofal yn newid eu ffioedd cartref gofal yn rheolaidd ac felly gall cyfradd safonol y cyngor newid. Os bydd y gyfradd hon yn newid, mae'n gallu golygu bod y gost ychwanegol yn cynyddu ac felly mae angen i'r person sy'n talu'r swm hwn fod yn ymwybodol o hyn.



I gael gwybodaeth am Wasanaethau Gofal Cymdeithasol ewch i:
www.sirgar.llyw.cymru/gofalcymdeithasol

Beth sy'n digwydd os na fydd y person sy'n talu'r gost ychwanegol yn gallu ei thalu mwyach?

I ddechrau, byddwn yn ceisio adennill y ddyled gan y person drwy ein proses rheoli dyledion, a allai arwain at achos llys yn y pen draw. Yn ogystal, os nad yw'r gost ychwanegol yn cael ei thalu, bydd y cyngor yn ystyried gwneud trefniadau rhatach eraill, a allai gynnwys eich bod yn gorfod symud i gartref gofal rhatach.

Angen mwy o wybodaeth?

I gael gwybodaeth fwy manwl, gweler Ffeithlen y Cyngor:

Ffeithlen 2: Symud i gartref gofal

Gallwch weld hyn drwy'r ddolen ganlynol: www.sirgar.llyw.cymru/taflennigwybodaeth

Neu cysylltwch â'n Tîm Asesu Ariannol:

☎ 01267 228769 / 01267 228943

✉ SCHfinancialassess@sirgar.gov.uk

**Mae'r ffeithlen hon hefyd ar gael yn Saesneg.
Os hoffech chi gael y ffeithlen hon mewn unrhyw fformat
arall ffoniwch 01267 228703 neu
e-bostiwch: gofalcymdeithasol@sirgar.gov.uk**

